

三續上虞塘工紀畧卷全

古虞連仲愚樂川氏

歲修塘工并善後事宜

續塘工紀畧一卷撰於同治丙寅迄今又閱六年前江塘竝無潰決巨患後海潮汎平順石塘無恙卽咸豐七年創修臨江大牆保衛官塘已十餘年矣近因潮汐嚙而漸進化旺等坵半淪於江蓋水法之變相激使然無足怪也然大牆自後郭至呂家埠延亘三十餘里今水勢當衝之處沙牆淪沒不過以數里計

修築改建猶足爲官塘之藩籬總之六年之久山水海潮兩不爲災是固餘上鄞慈各縣之厚幸亦歲修工程必不容已也稽我虞境內前後塘工段綿長埧埝滲漏無歲無之先時彌縫或事後修補屈指計之不勝枚舉從中工費最大者莫如賀家埠新築柴塘蓋自咸豐初年孫家渡聲堂習聽因五號爲山水海潮互激之區當時岌岌難保後因防守謹嚴水無可攻迺移攻賀家埠以西塘隄而慶尺壁非四號尤爲頂衝沙地埧盡一綫危隄逼臨大江潮汐往來撼激

難當又山水旺漲之際一逢大汛海潮西上而山水
遏之江水東下而狂潮阻之以致橫流逆折突過於
塘而塘內有河河內煙居稠密取土維艱且限於塘
底局促既不能貼濶卽不能加高若非建造柴工勢
必衝決大口滔天之禍伊於胡底半生來辛苦艱難
不幾前功盡棄乎明知近年夫工大貴椿柴竝缺實
在力有未逮然事出萬不容已不得不勉措工本於
同治五年冬購辦椿柴設法取土勉建柴工八十餘
丈以分水勢而資捍衛迄今五閱秋汛雖塘身低挫

尙可支持然將來椿朽薪霉安能歷久而不敝且賀
家埠段落落在江塘中不過三十之一卽或歷年加意
巡防不致疏虞而江塘六千餘百丈水勢衝激不在
於此則在於彼將來刻不可緩之工豈無如上首之
孫家渡今日之賀家埠者乎卽如仲經手以來親歷
其境如百官之余家埠後郭之王家壩以及呂家埠
趙村雙墩頭王家堰孫家渡賀家埠東西花宮何一
非緊要之處其間雖改建石塘一百九十餘丈而臨
江險工統計一千二百餘十丈之多以仲才力萬不

能盡建石塘則歲修工程豈有息肩之日加以水法
遷移不定卽隄工險夷無常安知今日之次要不爲

異日之首險孫家渡賀家埠明徵具在也

道光年間孫家渡塘

外尚有沙地至咸豐初年不特沙地坍塌且塘身半
淪於江極爲險患又賀家埠以西一帶塘隄安謐多
年今忽水勢移攻竟爲險塘蓋江流變遷激之使然
後之經手塘工者自宜隨時修理切不可偷安也

倘經理乏人或工費無措數百里民命將何所倚賴
况後海沙地滄桑之變振古如茲卽如咸豐初年海
潮逼臨石塘節節漏洞前次修理三年大費周章事
詳海塘紀畧中然石塘尙在翻洞培土所需不過工

食猶可勉力爲之所可慮者自建造石塘歷百五十
年業經沈埋大半過此以往百餘十年塘石盡陷未
知能否從新建造異日者沙地淪沒海循故道直逼
塘下潮汐往來洶涌之勢豈土塘所能抵禦萬一帑
不能請巨款無籌驟遇海嘯颶風大作怪水滔天勢
如雷激電奔志書所載康熙十八年餘上兩縣盡遭
淹浸禍連及於慈谿前車可鑒也相傳自唐長慶以
來夏蓋湖田三廢三陞蓋石塘建則湖淤爲田而餘
上等縣無鹹潮之患石塘亡則田衝爲湖而餘上等

縣盡屬斥鹵矣此仲所以徘徊塘上而不勝杞人之

憂也後海石塘地勢高阜之處十二三層低窪之處

層頂少者止有四層蓋石塘建造已閱一五十年

沈埋塘底居其大半再閱百餘年勢必全行沈沒

不過塘上面挑土加高三四全是塘矣各足資捍衛

哉。後海面挑土加高三四全是塘矣各足資捍衛

木棉潮水距塘甚遠似乎石塘無關重輕惟是沙地

閱六十年盡淪於海爾時水勢南趨直逼塘下抵禦

兩潮迴環衝激旬刻之勢非石塘萬不足資抵禦

此皆仲歷歷親睹者况乎意外之變在所不免豈得

以偷安目前而不為之深謀遠慮康熙十年海嘯

颶風大作水勢滔天疾若雷電威等山嶽塘內廬墓

田疇悉成巨浸餘姚慈谿兩縣俱遭淹沒此由於前

暨雍正三年東兩鄉重建石塘迨至康熙五十八年

內居民高枕無憂道光十五年又復海嘯當時沙地

正在成孰忽然黑雲四布颶風大作衝官塘狂風浪

盡壞三四里海水高潑塘面岌乎殆哉全賴石塘

不禦不致決裂由此言之高潑塘面岌乎殆哉全賴石塘

保障無如沙積石沈過此以往百餘十年重固一方之

若置之無顧其害不可勝言若購辦石料從新建造

款項甚鉅後之經手者恐力有未逮萬不從其已竊有

仲所以徘徊塘上而不勝杞人之

三續塘工紀畧卷全

四

此做法經費較省再條石大有區別甯波石頭出於
大陰山其性堅雖久沈沙土之中與新採者相仿
興石頭蕩地不一大好者亦未歷久不變至於
有劣者無論已好者亦未歷久不變至於
山石極不悠久斯為下矣我虞石塘帳字號以
紹興石頭帳字號以東甯波石頭帳字號以
集等號係本山大塊石疊成亂石塘其出至夏
用得沈於塘中者全不用總之自纂風至夏
山脚共石塘三千二百四十丈其條石蕩地不
柔不齊大約可抵一半用場夏蓋山之東字號
濟字號六丈六尺止共石塘一十四百六十六
尺其條石俱係大陰石塊可帶掘帶造所費不
過工食而已至填肚塊石夏蓋山二號會經間
因連字號起至楹字號止八十二號會經間
翻洞其塊石俱碎不能再用又咸豐四年閏七
海潮衝通鼓石俱碎不能再用又咸豐四年閏七
後經補建其舊時塊石亦復粉碎萬無可用凡此
仲所親歷者將來建造石塘所需塊石必須從新購

辦至夏蓋山之東一帶石塘其填肚塊石想係甯波
石頭果爾仍復可用但未曾深悉不敢指實以上所
陳管見是否可採惟冀裁定○南宋以前無可考徵
元至正年間所建亂石塘至元末而亡明初所建條
石塘至明年間末而亡又康熙年間所建條石塘今
埋大半再閱百餘年全賴後之君設法修造以
保全一方之民命仲實有深望焉○夏蓋山之西學
字號起墳字號止石塘三千二百四十丈康熙年
大府奉命建造於東華錄郡尊俞公卿有記勒
石夏蓋山廟中此其大彰明較著者也夏蓋山之
典字號起濟字號六丈六尺止石塘一千四百六十
六丈六尺正三年邑侯虞公景星請項建造當時
艱苦之狀不可勝言而縣志所載甚屬疏畧餘竟無
筆墨可考此我虞一大恨事也尤可痛者俞公相沿
韻相同塘內諸民傳聞失實誤以俞公為虞公相
久矣仲博詢故老嘗得其畧知侯獨肩大任不驚
於人而世亦無相助為之理人履虎尾而不驚
機而不悔然後澤及一方功垂後世嗚呼為民父母

專以民命爲重而不顧一己之利害雖古經史所載
何以加茲侯致仕後隱居教授安乎故吾若無其事
蓋不求人知固侯之雅量不可企及其苦心孤詣
厚德洪恩奈何以訛傳之故幾致湮沒而名不彰
自修其理前後塘觀侯所建石工低回數四憑弔欷歔
幽光竊有望於何從也特誌其崖畧於此至發潛德之
世之采風者竊念仲一介書生無所建立緬維往

哲穆然神遠今老病交侵萬念俱灰惟此塘工管理

二十餘年苦無替人既不忍聽其廢棄而仲又萬不

能分身家大人年登上壽時年八十有九定省何敢暫離不

得不舉人以自代同治三年邵培福邀集鄉里設立

衆擎會爲管塘計也語詳續塘工紀畧中仲贊成其

事謂培福姑弗慮經費不敷卽如當年肩任塘工不
難毀家以抒難而况管塘所需非從前大工可比既
立是會必須置有恆產不然則善作者不必善成善
始者不必善終及仲在日得能擴充田畝則將來爲
管塘計卽可爲修塘計此仲之大願也故自興會以
來薄具田產凡歷年修理及管塘費用悉仲籌墊竝
不開銷會田租息以期繼長增高或者於善後事宜
庶有濟乎茲已集腋成裘得田二百餘十畝恐年歲
之不我與先行豎碑孫家渡碑立留耕山房之西耳房以垂久遠

凡捐助田畝銀錢名姓及字號畝分一一勒諸貞珉以永千秋蓋不敢沒諸公之善也其續置田畝即附於碑尾私心竊冀天假餘年衆擎產業得以層累而上如爲山之不虧一簣則東接餘姚西距會稽一萬一千三百餘十丈之柴土石塘希圖永保無虞此亦事之或然者也特先時不敢預定耳更有萬不可缺者管塘之際人夫衆多沿塘一帶煙村殷繁竟乏空屋賃借停歇最爲苦事亦最爲恨事不得不興造房屋以爲駐足之所相地之宜因人之便惟孫家渡塘

內爲甚善以東有王家堰趙村呂家埠以西有賀家中於此興築房屋聚集人夫管理兩邊險塘最爲得宜且孫家渡爲水勢必爭之地乃全塘之咽喉尤宜建樓房以鎮江海伸管理二十年相地勢看水法擇此基地良非偶然早於同治五年購買基地蓄意已久而遲至於今者良由歷年修塘疲於奔命更無餘力兼顧也今老矣事不可緩時不再來於去年冬季購料興工新置別業一區藏列書籍家有藏書恐其褻瀆擬移藏於捍海樓種植花木以娛桑榆之晚景名其堂曰留耕山房平時爲仲書齋臨時則爲管塘寓所豈非一舉而兩得哉計造饗堂三楹每年霜降

日恭祀

潮神

會內人衆若擇日祀

神須先期知

不改章程
省事多矣

以肅觀瞻而昭誠敬潔之至也東西耳房

兩楹爲收藏器械什物及豎立碑石之所又樓房五楹顏其額曰捍海樓著其實也以仲年經七旬筋力已衰萬不能霑體塗足如從前之冒風雨而親督險工今於要害之處造此臨江樓房則危迫之際登高眺遠山水之大小潮汐之漲退江海塘隄皆在目中是誠管塘之一助也又廂房四楹設立廚竈竝管屋人居住凡一切人夫飲食歇宿處所事事安排停妥

爲誌其緣起如此落成於今四月十八日慨然謂會內人曰衆擎會成則後之管塘者不致枵腹留耕山房成則後之管塘者不致露宿是皆管塘之要務然此豈易言哉自接手隄工以來慘澹經營者二十餘年凡逢水勢湍悍四處告警仲孤立無助安得無顧此失彼之虞迺垂暮之秋得諸君子聲應氣求成此盛會仲始願不及此惟期始終如一過此以往指臂相使其所以濟緩急而顧全大局豈苟焉而已哉且咸豐年間孫家渡聲堂習聽因五號爲全塘中第一

患塘水勢直攻多歷年所仲竭盡心力多方堵禦不
敢自必其保全初不料今日之落成於斯也前事具
在足徵隄工一道必有愚公移山之志庶實心實事
危可安險可夷功可翹足而待謹撰次歲修緣由并
防後事宜編之右方俾覽者得以取去焉
同治十年歲次辛未四月中澣謹記

捍海樓記

虞當巖壑之會臨溟渤之濱夏蓋以北實維海門雷
輓濤怒厥地稱險焉其西南瀕曹江江出新岷諸山
霖潦時降眾壑爭趨風潮逆流互激交匯奔盪訇壻
冒隰彌原於形爲尤險先民有作堤之垸之江塘堽
其前海塘障其後而水勢稍殺雍乾之世迭請內
帑以時修築迨道光季年塘漸以潰漫溢田廬汨及
鄰壤屬當軍興府藏支絀官民束手邑人連公仲愚
徘徊塘上蹙然傷之謂江海兩隄數百萬生靈所託

記

一

命使無人設法堵禦任海水汜濫爲災是無桑梓也
卽無餘上也從斯南北驅馳任勞任怨并率其從弟
桂初冢子茹分道捍護以數千之款經理柴土石塘
一萬一千三百丈有奇又值隄工坍塌決裂之餘議
者咸爲公危卒之焦思竭力挽狂瀾於旣倒迄今樂
土可安民歌舞之公躬親櫛沐者蓋二十年而公年
亦旣耄矣迺謀久遠之計首置田百畝爲勸續助百
畝鄉里慕義者爭附之並得田九十餘畝號眾擊會
爲歲修資又憫徒輩風餐露宿遂度地庀材建樓於

塘之隘曰孫家渡以鎮之而題其額曰捍海凡爲堂
三楹中祀潮神耳房二以庋器具廂九爲庖湏泉夫
役寢食之所登斯樓也左海右江風雲百變潮汐之
消長畚揭之勤惰厯厯在目暇則讀書其中蒔花觴
客以爲別業經始於同治九年冬明年四月落成於
虞公之捍水患也遠矣夫天下事固有志壹而用宏
事半而功倍者彼庸庸者其能知乎哉公承父兄之
詔勉督率氓愚任厥艱鉅蓋本其孝弟之誠發爲義
舉而又不肯輕縻 國用毀家紓難以抒其惓惓忠

記

二

愛之忱其惠周乎羣生其澤流之百世豈不偉與昔
潛溪宋氏記古虞魏仲遠見山樓美其經營於兵後
而推言子姓之象賢今公蒙難之餘搆造斯構利賴
無窮固遠勝乎仲遠之遊觀者而公子若孫咸以文
行有聞於時益欽公詒謀之善爲足與鄉賢後先輝
映也琦學識譎陋立言不足以希潛溪而猶執筆記
公之明德亦蘄後之治塘者一以公爲法則益廣公
之惠於靡涯矣公之治塘具載遺箸上虞塘工紀畧
中不備述其捐助名氏田畝備書碑陰以詗來者復

系以銘曰

在昔錢王築捍海塘灑沈澹災利及千霜翼然斯樓
與古頡頏夏蓋斯控舜田斯穰緬惟連公澤被鄉邦
靈風靈雨神魂迴翔江流載順海波不揚斲彼元石
邦家之光

光緒三年歲次丁丑六月翰林院編脩陶方琦謹撰

書上虞塘工紀畧後

繼香省親開州數數渡舜江經古虞輒聞父老孺
嘖嘖稱樂川連公不置詢之曰吾虞前江後海時
息汎濫公經營二十年而兩隄始完固連阡比陌歲無
不登微公吾其魚乎繼香聞而喟然曰嗟乎德澤之
感人有如是哉今冬公仲嗣擷薌同研郵示公行述
及塘工紀畧一書則益爲之感嘆景慕而不能已也
公天性孝友博學能文有聲于庠讀書不屑屑章句
通達世故有康濟天下之志會道光季年虞西江海

塘傾圯災罹三縣守令矧重公以塘工請公蒿目已
久念先塋及親舍所在又數百萬生靈所託命遂慨
然起而任之自是輸金貲鳩工材冒風雨犯寒暑雖
當戎馬蒼黃而畚築不輟視王尊請身填隄殆有甚
焉經始於道光三十年至同治十年告成計海塘四
千七百六丈有奇江塘六千六百二十六丈碎然屹
然堅若長城公之心力旣殫而公年亦已耄矣又憇
弗善厥後迺倡捐田百畷立衆擎會旣建捍海樓爲
守禦之所擇鄉里之賢者而代之復手撰是編繪圖

紀事詳載道里之長短潮汐之高下與夫興廢之利
弊隄防之緩急俾後之人有所取法手障百川利賴
千祀厥功偉已他如建邑學以崇文教脩上河壩以
蓄田水置膏腴五百畝爲義田贍族之貧困泉鄉鄰
之熒獨者具載敬睦堂條規中辛酉之難道阻糧絕
設海運賑飢民全活無算其餘樂善好施雖罄竹難
書而其汲汲然赴義若渴毀家紓難要亦與治塘工
等夫人生不朽有三而科第不與焉公之功德父老
婦孺能道之而是編洋洋數萬言又無愧立言之君

子區區科第云乎哉獨念公於一鄉一邑稍展經綸
而被澤者已如是其大且久設假之斧柯以體國經
野其措施當又何如也顧公雖不遇於時而奠安海
邦數百里內爭禱祠之所謂挺不朽之盛業非耶而
喆嗣少初貢士擷薌茂才又克繼先志砥行大名文
孫輩鼎峙鬢宮霞起雲蔚其食明德之報者正未有
艾昔海甯陳宋叅教授籌畫海塘著有成書雍乾已
來溯西百年無海患其後子孫簪纓接踵爲兩浙冠
公之功德如此異日何遽不若則是編其卽左券也

夫

光緒紀元嘉平月下滌後學會稽王繼香子獻拜識

書塘工紀畧後

三

敬睦堂記

天下者一家之積也大道之行講信脩睦之推也中古堯舜之化自九族既睦成周太平自孝友睦婣任卹蓋睦之義本尊祖敬宗之意以收族而後日之重社稷愛百姓胥由親親推也且夫不睦之故未有不
自不敬始者記曰至敬無文父黨無容蓋人既素習
居又接楹連棟習則褻狎褻狎則簡慢甚至歲時伏
臘斗酒言歡男女雜坐墜珥交舄不之禁因而薄物
細故積爲釁端相傾相軋有較甚於途人者然則公

敬睦堂記

之以敬睦名堂其可謂知本焉已公上虞連氏字樂
川平生防江捍海衆善畢舉其好施也有敬睦堂田
五百畝以周寒族且命令嗣營前後堂於居右今嗣
子少初兄弟悉遵遺教其前平房五分米散錢在其
中旁置倉廩收族也恤鄰也以興養也後樓五樓上
左右藏書下爲影堂啟後也奉先也以立教也旁又
貯救火水龍等兩具禦災也捍患也蓋一舉而數善
備焉而且稟遺命孝也能讀父書智也敬祖收族施
及他族之貧者仁也當此諄耨勸操觚瓢之末流而

獨連氏父子之克繩厥美庶足以挽頽風諷薄俗云
且夫親睦可間敬睦不可間昔三代明王之政必敬
其妻子也有道惟以祖宗之心爲心則尊亦敬卑長
亦敬幼而其本則自敬身始孔子曰不能敬其身是
傷其親傷其親是傷其本登斯堂也亦先務乎其本
焉可矣詩曰

歸新宮上湖渚光先德啟爾宇陳簡冊洎樽俎上賢
聖中父祖沃千頃給二鬴俾作甘毋作苦解愠風護
世雨貽我穀秩斯祐

敬睦堂記

二

光緒四年歲次戊寅清明後二日山陰沈寶森謹撰

敬睦堂條規

助米章程

一鰥寡孤獨窮而無告亟宜以春熟白米養之今定立章程凡我本族或住居上湖頭或散居四方每口按月予白米一斗五升於月之初一日付發一本村雜姓鰥寡孤獨與族中應有區別但住居上湖頭觸目驚心特與本族一律看待升斗數目同付發日期同

一鄰村鰥寡孤獨實在貧無可依者先將名姓登簿

敬睦堂條規

一

每月予白米一斗付發日期同

一付發鄰村鰥寡孤獨以五十口爲限再多恐後難爲繼不敢不量力也

一幼年失怙誠可痛憫至成丁以後農工商賈何事不可以有爲今定立章程養至十五歲年底爲止不再付發以激其自行成立

助錢章程

一吾族貧戶中老幼婦女度日惟艱間有殘疾者尤爲可憫今定立章程薄有所助謹將各人名氏登

簿庶免臨時舛錯

一本族貧戶除壯丁外所有老幼婦女或不幸而殘疾者一年之間每口助錢貳千文分兩次付發以二月初一日十二月初一日爲期

一凡我連姓雖散居別村與住居上湖頭者一律付發以示親親之義不分遠近

一趙姓由瀝海所遷居上湖頭已歷四世其先人與吾祖宗有契義不敢異視其貧苦之家除壯丁外所有老幼婦女或不幸而殘疾者每年每口助錢

敬睦堂條規

二

貳千文亦分兩次付發爲期同

一張李兩姓向住上湖頭義屬老鄰其貧苦之家除壯丁外所有老幼婦女或不幸而殘疾者每年每口助錢一千文亦分兩次付發爲期同

一張李兩姓外尙有別姓遷居上湖頭雖非舊鄰然比屋而居守望相助應有周急之義其貧苦之家除壯丁外所有老幼婦女或不幸而殘疾者每年每口助錢六百文亦分兩次付發爲期同

借米章程

一吾族多係務農爲業凡農家者流最苦布種之時無處告貸今定立章程春季從敬睦堂借米秋季交還竝不收絲毫之息

一借米多寡之間不能一律亦視其人之勤惰種田之多寡酌量數目

一春季借米若干秋季還米短絀所有欠下之數明春借米之時先行扣落以昭畫一

一春季借去米石秋季全不交還待至歲底將戶頭開除以後不再借

敬睦堂條規

三

一春放秋收旣無絲毫之息種田者誰不願多借惟敬睦堂所貯穀米尙未擴充祇有照上兩年所借之數借出望吾族中見原

一借米多寡係先時議定臨場不得爭多論寡侵擾經手人惟經手人務須一秉至公不徇私情庶可以協輿論而垂永久

同治十一年壬申正月上浣樂川連仲愚撰

時年六十有八

